

四

昨症醫案筆記

如皋吳渭泉著



臨證醫案筆記目錄

第四卷

虛損

血證

吐血

衄血

便血

舌血

汗證

欬嗽

喘促

痰飲



遺精

調經

養血

六經

血虧

血虛

第四卷

圖書集成醫部全錄



興部中醫藥大學圖書館版權所有

臨證醫案筆記卷之四

如皋吳 篴渭泉著 男 丙輝燮堂 校

虛損

明相國於嘉慶二年任將軍時統兵至夔府患驚悸怔忡食減不眠筋骨痠痛精神倦怠脉來細軟尺部沉遲由於陽衰氣弱軍務策籌過度致心脾營衛俱虛

臨證醫案筆記 卷四 虛損



宜進歸脾湯加桂附專補心脾兼益命火服數劑甚效旋用人參養榮湯加味爲丸服之乃愈

泰贊尙書德子脉緩人無力緣軍旅勞心竭力饑餓失時脾胃受傷邪得乘虛而入故頭痛發熱時作時止

此內傷不足之證而非外感也卽服補中益氣加熟附經曰勞者溫之損者溫之蓋溫能除大熱使補養氣復則痊

蒙古惠椿亭尙書統師過夔府患心煩恍惚舌燥口溼



食少不寐服清暑涼解藥而煩渴轉甚余曰脉浮虛
弦數此軍務宣勤勞傷心脾虛火上燦肺金氣血虛
耗所致非暑熱客症也先進生脉散加茯神棗仁
斛以清金益氣服之甚效後用歸脾湯八仙長壽丸
乃瘥

相國戴澤士遇事冗繁卽頭目昏暈飲食少思倦怠異
常脉遲虛緩由於國事宣勤操勞過度耗損真陰
致陽虛氣弱神不守舍而然宜進加味七福飲以補

五臟氣血之不足并常服兩儀膏及參乳丸用以調
元嗣伊云自常服人參以來才覺精神完固如解
錨恃有倚靠則人參真有回天贊化之功豈與
比哉

端揆蔣礪堂精神日衰食減不眠驚悸健忘腸紅燥結
診六脉似有若無問其平時脉象何如答曰常時俱
如此但體中不適則六脉俱見余曰脉見六陰乃真
陰不足營衛俱虛緣思慮勞傷心脾致脾虛不能攝

血先用歸脾湯續以六味地黃丸加歸芍阿膠遠志
棗仁杳杳餅爲丸諸證悉瘳按彭用光曰凡人兩手
清微如無脉者此純陰脉主貴是也予卅載長安陰
脉雖偶見如六脉純陰惟相國一人而已

瑚和菴大家宰神疲心跳食少易忘肢節痺痛腸紅便
溏脉虛遲細乃命火不充陽氣虛寒勞倦傷脾營衛
虧損而然宜用歸脾湯加熟附炮薑白芍以棗肉爲
固丸服之自效

周蓮塘大司空脉虛沉細此命門陽衰不能生土致脾
胃虛寒土虛不能制濕故食少痰多嘔惡泄瀉皆由
陽虛氣弱而然當用附子理中丸加製半夏茯苓陳
皮石菖蒲以薑汁打糊爲丸每食後服三錢一月而
愈

少宗伯溫質坡患頭暈目眩咳嗽痰多津液少大便燥
余曰脉見虛數乃真陰失守精血不足虛火上燦肺
金金水不能相滋宜服四陰煎去甘草加熟地貝母

阿膠連服兼旬甚效嗣用膏子藥以瀉虛熱而益元氣滋燥金而培三陰服兩料諸證悉瘳

高麗參

四兩

熟地

半觔

石斛

枇杷葉

各兩

麥冬

貝母

甜杏仁

女貞子

茯苓

地骨皮

各三兩

甜梨汁

十鍾

乳

六鍾

右藥用甜水約十餘碗浸一宿以桑柴文武火煎取

濃汁藥有未盡再用水數碗煎渣取汁並熬稍濃將

乳梨汁合攪使勻用密絹濾過乃入磁罐重湯熬成

膏入白密四兩收之以白湯點服不拘時

汪稼門制府丁丑秋引疾歸里來函云年衰多病

至今春咳嗽較舊時減輕而肝胃氣痛較舊時加劇

自三四月來天氣和暖不太作痛飲食如舊而形容

黃瘦氣息怯弱恐秋冬以後又將大作並寄到舊方

三本余細繹查君所定方論藉知中年壯盛時陽盛

陰虛心肝火旺津液不足而虛不受補是以丸方內

用甘涼滋潤清補之品煎方內用疎肝利氣降火之



北京中醫藥大學圖書館版權所有

藥當時服之應手奏效又閱在閩省時陳諸譚張四
公所開各方均揣摹查君用藥之法而服之總未得
愈者想係年逾七旬命火必衰五臟營衛自多虛寒
蓋陽虛者多寒非謂外來之寒但陽氣不足則寒生
於中故見肝胃氣痛咳嗽諸證况春天和暖不入作
痛此卽虛寒明證矣至咳嗽每逢三四月輕減亦是
金畏水寒之象丸藥當進右歸丸加人參沉香溫補
元氣使陽氣漸回則真元自復矣至煎劑宜服七福



飲以補五臟氣血虧損如陽虛寒滯在經氣血不能
流通筋骨痛甚者必加製附子方效

陳笠瓢中丞道過東流停橈就診云近來每遇事

虛煩頭暈眼濇耳鳴心腎不交腰膝痠軟津短口乾

余曰脉虛弦數係腎水真陰不足精氣虛損神耗於

心精虧於腎所致先服四陰煎及加減一陰煎疊進

數劑甚效後用八仙長壽丸加人參遠志蔡膠杜仲

女貞子壯水滋陰以制陽光



錢裴山中丞左寸虛散右尺沉弱乃思慮太過勞傷心
脾命火不充陽虛氣弱腎衰精冷之象當進七寶美
髯丹合五子衍中丸去車前子加人參鹿茸肉苁蓉
遠志按證增減精氣並固補命火而不助相火壯腎
水而不寒脾土常服必能救本培元而陽氣自旺矣
少司馬曹雲浦脉見虛軟右尺遲細乃陰虛陽衰五臟
氣血虧損使然當服贊化血餘丹張景岳曰此藥大
補氣血故能烏鬚髮壯形體其於培元贊育之功有

不可盡述者

晚藩李書年年逾六旬食少嘔惡心腹脹痛腰膝痠痛
常疼脉沉遲細此中氣虛寒元陽不足精血虧損
致當以附子理中湯加半夏薑汁間用六君子嘔痛
頓止再以大營煎加參朮炮薑調攝乃瘥

撫軍韓芸舫上焦虛煩汗多食少不眠腰痠足軟精神
倦怠余曰寸關虛數尺部沉細此腎水真陰不足命
門陽衰氣弱血少精短營衛虧損宜進歸腎丸加人

參鹿茸覆盆子肉蓯蓉遠志五味子陰陽並補使腎
水足真火旺則神氣精血自充

皖撫吳霽峯云邇來精神甚衰每勞心力卽頭目眩暈
腰膝軟痛心腎不交食少不眠驚悸恍惚余診之曰

脉虛弦數由於思慮過度氣血虛耗脾腎陰虧年過
半百精氣漸衰之象宜進養心湯先補心血旋用補
中益氣湯并大補元煎朝暮間服以峻補脾腎遂服
兩月而起居眠食勝常矣

少宰廖鈺夫述內眷發熱乾欬兩頰常赤津少煩渴頭
目眩暈服藥不效余曰左關弦數右寸虛數而滑此
陰虛血燥肺肝蘊熱而然也宜用八味逍遙散加地
骨皮貝母服四劑甚效更以四陰煎加阿膠女貞子
服未半月諸虛頓止

端揆曹麗笙診六脉和緩而長此稟之厚壽之徵也惟
右尺沉細乃命火漸衰真陽不充之象宜服右歸丸
重加人參以補元陽使氣血歸於太和則精神更當